

Na osnovu Člana 64. Stav 2. Tačka v. Zakona o visokom obrazovanju Republike Srpske („Službeni glasnik Republike Srpske,” br. 73/10, 104/11, 84/12, 108/13 i 44/15), dana 30.09.2015. godine, Senat Univerziteta donosi

## **O D L U K U**

o usvajanju **PRAVILNIKA O IMENOVNJU I STICANJU ZVANJA NASTAVNIKA I SARADNIKA UNIVERZITETA ZA POSLOVNI INŽENJERING I MENADŽMENT BANJA LUKA**

### Član 1.

Senat Univerziteta za poslovni inženjering i menadžment Banja Luka donosi ovaj Pravilnik kao opšti akt Univerziteta koji reguliše sva pitanja u postupku izbora nastavnika i saradnika na Univerzitetu PIM.

Ovaj Pravilnik sadržan je u prilogu Odluke i čini njen sastavni dispozitivni dio.

### Član 2.

Pravilnik stupa na snagu danom donošenja ove Odluke a počinje se primjenjivati 8. dana od dana objavljivanja na službenoj web stranici Univerziteta.

Broj: S- 131/15

Datum: 31.10.2015. godine

Predsjedavajući Senata

---

prof. dr Snežana Pantelić Vujanić

## **I POSTUPAK IZBORA AKADEMSKOG OSOBLJA**

### **Član 1.**

Ovim Pravilnikom utvrđuju se postupak i uslovi izbora akademskog osoblja u odgovarajuće zvanje na Univerzitetu za poslovni inženjering i menadžment (u daljem tekstu: Univerzitet).

Postupak izbora u zvanje provodi se za nastavnike i saradnike koji su u radnom odnosu na Univerzitetu, sa punim radnim vremenom ili u dopunskom radnom odnosu.

Univerzitet može angažovati nastavnike sa druge visokoškolske ustanove koji imaju izbor u naučno-nastavno zvanje na toj ustanovi, za realizaciju nastave na Univerzitetu, prema proceduri i pod uslovima definisanim Zakonom, Statutom Univerziteta i ovim Pravilnikom.

### **Član 2.**

Univerzitet dodjeljuje sljedeća akademska zvanja: nastavna, naučno-nastavna i saradnička.

Naučno-nastavna zvanja na Univerzitetu su:

- a) redovni profesor,
- b) vanredni profesor,
- c) docent.

Nastavna zvanja su:

- a) nastavnik stranog jezika,
- b) nastavnik vještina.

Saradnička zvanja na Univerzitetu su:

- a) lektor,
- b) viši asistent,
- c) asistent.

Na Univerzitetu se mogu sticati naučna i istraživačka zvanja, u skladu s propisima koji regulišu naučno-istraživačku djelatnost i Statutom Univerziteta.

### **Član 3.**

Univerzitet može imati i stručne saradnike u nastavi i istraživanju.

Istaknuti stručnjak iz prakse ili student Univerziteta koji ostvaruje natprosječne rezultate tokom studija, mogu biti angažovani u realizaciji dijela nastave na Univerzitetu (demonstratori).

### **Član 4.**

Nastavnici i saradnici biraju se u zvanje za užu naučnu oblast kojoj nastavni predmet pripada, osim nastavnika stranog jezika i nastavnika vještina koji se imenuju za realizaciju nastave iz nastavnog predmeta odnosno vještine za koju su imanovani.

### **Član 5.**

Nastavnici i saradnici biraju se putem javnog konkursa

Konkurs za izbor u naučno-nastavna i saradnička zvanja raspisuje Univerzitet, na prijedlog Nastavno-naučnog vijeća organizacione jedinice matične za užu naučnu oblast za koju se vrši izbor nastavnika, a uz saglasnost Senata, polazeći od potrebe da se nastavni proces organizuje na kvalitetan, racionalan i efikasan način.

Konkurs za izbor nastavnika stranog jezika i nastavnika vještina, kao i za naučne oblasti za koje nisu isključivo nadležna organizacione jedinice, raspisuje Senat Univerziteta na prijedlog prorektora za nastavu ili rektora Univerziteta.

Konkurs sadrži: opšte i posebne uslove koje kandidat treba da ispuni; užu naučnu, odnosno umjetničku oblast za koju se bira; rok za prijavljivanje, dokumente koje kandidat prilaže kao dokaz da ispunjava uslove i adresu na koju se dostavlja prijava sa dokumentima.

Konkurs se objavljuje na oglasnoj tabli i zvaničnom sajtu Univerziteta i mora biti otvoren za prijave najmanje 7 dana od dana objavljivanja.

#### **Član 6.**

Senat Univerziteta, na prijedlog Nastavno-naučnog vijeća, odnosno Rektora, imenuje Komisiju za razmatranje konkursnog materijala i pisanje izvještaja za izbor u akademsko zvanje na Univerzitetu.

Senat može imenovati članove komisije prilikom raspisivanja Konkursa iz Člana 5. ili nakon isteka roka za prijavljivanje kandidata o čemu odlučuje prostom većinom glasova.

Komisija iz stava 1 sastoji se od najmanje tri nastavnika, od kojih najmanje jedan ima izbor u zvanje iz uže naučne odnosno umjetničke oblasti, dok ostali članovi moraju imati zvanje iz istog naučnog polja za koju se kandidat bira.

Članovi Komisije su u istom ili višem zvanju u koje se kandidat bira i ne mogu biti u srodstvu sa kandidatom.

U odluci o imenovanju Komisije određuje se predsjednik, koji je odgovoran za koordinaciju njenog rada i pripremanje izvještaja.

#### **Član 7.**

Komisija priprema izvještaj o prijavljenim kandidatima i predlaže za izbor kandidata u skladu sa uslovima iz konkursa.

Prilikom predlaganja kandidata Komisija je dužna poštovati minimalne uslove za izbor u odgovarajuće zvanje, u skladu sa Zakonom o visokom obrazovanju Republike Srpske i Statutom Univerziteta.

Ukoliko se radi o ponovnom izboru u akademsko zvanje, kandidat treba da ispunjava najmanje uslove koji predstavljaju minimum za taj izbor.

#### **Član 8.**

Rok za dostavljanje izvještaja o prijavljenim kandidatima Nastavno-naučnom vijeću je 10 dana od dana dostavljanja konkursnog materijala članovima Komisije.

Komisija je obavezna izvještaj dostaviti u pisanoj i elektronskoj formi na tipskom formularu koji je odštampan uz ovaj Pravilnik u Prilogu broj 1, i sastavni je dio ovog Pravilnika.

#### **Član 9.**

Nastavno-naučno vijeće razmatra Izvještaj Komisije i primjedbe na isti ukoliko su dostavljene u pisanom obliku, utvrđuje prijedlog o izboru u zvanje za koje kandidat ispunjava Zakonom definisane uslove, i dostavlja ga Senatu Univerziteta.

Članovi Komisije predlažu izbor u odgovarajuće zvanje u skladu sa politikom Univerziteta za postizanjem najvećeg kvaliteta u realizaciji akademskih poslova.

#### **Član 10.**

Nastavno-naučno vijeće dostavlja Senatu prijedlog za izbor u zvanje na Univerzitetu, uz koji prilaže:

1. Odluku Vijeća o utvrđivanju prijedloga za izbor u zvanje na Univerzitetu;
2. Izvještaj Komisije o prijavljenim kandidatima;
3. Primjedbe u pisanoj formi na Izvještaj Komisije, ukoliko postoje;
4. Kompletne konkursne materijale za sve prijavljene kandidate.

Materijali iz tačaka 1 – 3 dostavljaju se i u elektronskom obliku.

#### **Član 11.**

Odluku o izboru u akademska zvanja donosi Senat, najkasnije u roku od šest mjeseci od dana objavljivanja konkursa.

Razmatrajući zahtjev za izbor nastavnika i saradnika u akademsko zvanje, Senat može donijeti:

1. Odluku da se predloženi kandidat bira u predloženo zvanje;
2. Odluku da se predloženi kandidat ne izabere u predloženo zvanje;
3. U koliko Senat ocijeni da su za valjanu odluku potrebna dodatna pojašnjenja, može donijeti zaključak o odlaganju donošenja odluke. U tom slučaju određuje se rok za dopunu prijedloga, koji ne može biti duži od 20 dana.

#### **Član 12.**

Senat donosi odluku o izboru kandidata u predloženo zvanje, većinom glasova ukupnog broja članova, u skladu sa Statutom Univerziteta.

Kandidat može podnijeti prigovor na odluke iz prethodnog stava Upravnom odboru Univerziteta, u roku od 7 dana od dana kada je obaviješten o odluci.

#### **Član 13.**

Odluka o izboru u zvanje dostavlja se kandidatu.

## **II POSTUPAK ODUZIMANJA ZVANJA**

#### **Član 14.**

Ako se nakon izbora u odgovarajuće zvanje dokaže da radovi na osnovu kojih je izvršen izbor u akademsko zvanje predstavljaju plagijat, pokreće se postupak za oduzimanje zvanja.

Odluku o pokretanju postupka iz stava 1 ovog člana donosi Senat po sopstvenoj inicijativi ili na prijedlog Nastavno-naučnog vijeća.

#### **Član 15.**

Senat, uz prethodno mišljenje Nastavno-naučnog vijeća, a nakon pokretanja postupka za oduzimanje zvanja, imenuje Komisiju koja podnosi izvještaj Senatu s prijedlogom o oduzimanju zvanja ili odbijanju inicijative za oduzimanje zvanja.

Komisija, iz prethodnog stava ovog člana, ima najmanje pet članova, koji ne mogu biti u zvanju nižem od zvanja koje ima lice protiv kojeg je pokrenut postupak i najmanje tri nisu u radnom odnosu na Univerzitetu.

Odluka Senata je konačna.

### III USLOVI ZA IZBOR U AKADEMSKO OSOBLJE

#### Član 16.

Naučnu djelatnost kandidata Komisija ocjenjuje kroz:

- Naučne monografije međunarodnog značaja;
- Naučne monografije nacionalnog značaja;
- Leksikografske jedinice ili karte publikovane u naučnoj publikaciji međunarodnog značaja;
- Leksikografske jedinice ili karte publikovane u naučnoj publikaciji nacionalnog značaja;
- Publikovane članke u časopisima međunarodnog značaja ili poglavlja u monografiji istog ranga;
- Publikovane članke u časopisima nacionalnog značaja ili poglavlja u monografiji istog ranga;
- Publikovane orginalne radove u časopisima međunarodnog značaja;
- Publikovane orginalne radove u časopisima nacionalnog značaja;
- Uvodna predavanja po pozivu na skupu međunarodnog značaja, štampano u cjelini;
- Uvodna predavanja po pozivu na skupu nacionalnog značaja, štampano u cjelini;
- Naučne radove na skupu međunarodnog značaja;
- Naučne radove na skupu nacionalnog značaja;
- Naučne kritike i polemike u međunarodnom časopisu;
- Naučne kritike i polemike u nacionalnom časopisu;
- Uređivanje naučne monografije ili tematskog zbornika međunarodnog značaja;
- Uređivanje naučne monografije ili tematskog zbornika nacionalnog značaja;
- Uređivanje međunarodnog naučnog časopisa;
- Uređivanje nacionalnog naučnog časopisa;
- Uređivanje zbornika saopštenja međunarodnog naučnog skupa;
- Uređivanje zbornika saopštenja nacionalnog naučnog skupa.

#### Član 17.

Umjetničku djelatnost kandidata Komisija ocjenjuje kroz:

- Primjereno predstavljanje kompleksnog umjetničkog djela koje je definisano kao vrhunsko dostignuće međunarodnog značaja;
- Primjereno predstavljanje kompleksnog umjetničkog djela koje je definisano kao vrhunsko dostignuće nacionalnog značaja;
- Premijerno predstavljanje umjetničkog djela na manifestacijama od međunarodnog značaja;
- Premijerno predstavljanje umjetničkog djela na manifestacijama od nacionalnog značaja;
- Premijerno predstavljanje umjetničkog djela sa objavljenom kritikom;
- Premijerno predstavljanje umjetničkog djela.

#### Član 18.

Obrazovnu djelatnost kandidata Komisija ocjenjuje kroz:

- Univerzitetski udžbenik koji se koristi u inostranstvu;
- Univerzitetski udžbenik koji se koristi u zemlji;
- Udžbenik za preduniverzitetski nivo obrazovanja;
- Studijski priručnik;
- Gostujući profesor na inostranom univerzitetu;
- Gostujući profesor na domaćem univerzitetu;
- Mentorstvo kandidata za stepen trećeg ciklusa;
- Mentorstvo kandidata za stepen drugog ciklusa;

#### Član 19.

Stručnu djelatnost kandidata Komisija ocjenjuje kroz:

- Stručna knjiga izdata od međunarodnog izdavača;
- Stručna knjiga izdata od domaćeg izdavača;

- Urednik časopisa, knjige ili kontinuiranog umjetničkog programa (u trajanju dužem od 12 mjeseci) u inostranstvu;
- Urednik časopisa, knjige ili kontinuiranog umjetničkog programa (u trajanju dužem od 12 mjeseci) u zemlji;
- Realizovan projekat, patent, sorta, soj ili originalni metod u proizvodnji;
- Stručni rad u časopisu međunarodnog značaja;
- Stručni rad u časopisu nacionalnog značaja;
- Rad u zborniku radova sa međunarodnog naučnog skupa;
- Rad u zborniku radova sa nacionalnog naučnog skupa.

#### **Član 20.**

Izvještaj Komisije sadrži: osnovne biografske podatke; biografiju, diplome i zvanja; pregled i mišljenje o dosadašnjem naučnom, odnosno umjetničkom, stručnom i obrazovnom radu svih prijavljenih kandidata, zaključno mišljenje i prijedlog Komisije.

#### **Član 21.**

Osnovni biografski podaci sadrže sljedeće informacije: ime, ime jednog roditelja, prezime; datum i mjesto rođenja, ustanove u kojima je bio zaposlen, zvanja/radna mjesta i užu naučnu/umjetničku oblast, članstvo u naučnim i stručnim organizacijama ili udruženjima.

#### **Član 22.**

U dijelu koji sadrži podatke o biografiji, diplomama i zvanjima obavezno se za sve kandidate navode podaci o osnovnom studiju, postdiplomskom studiju, doktoratu i prethodnom izboru u nastavna i naučna zvanja.

Za osnovne studije se navodi naziv ustanove na kojoj je kandidat studirao, te mjesto i godina završetka.

Podaci o postdiplomskom studiju sadrže naziv ustanove, mjesto i godinu završetka i užu naučnu/umjetničku oblast iz koje je kandidat magistrirao.

Podaci o doktoratu sadrže naziv ustanove na kojoj je kandidat doktorirao, naziv, mjesto i godinu odbrane doktorske disertacije, te užu naučnu/umjetničku oblast.

Obavezno se navode svi prethodni izbori u nastavna i naučna zvanja, sa nazivom institucije i godinom izbora.

#### **Član 23.**

Za svakog prijavljenog kandidata se daje prijedlog aktivnosti po osnovu naučnog/umjetničkog rada, po osnovu obrazovnog rada i po osnovu stručnog rada.

#### **Član 24.**

Na kraju izvještaja, Komisija o prijavljenim kandidatima daje zaključno mišljenje koje predstavlja obrazloženje prijedloga Komisije.

Ukoliko jedan ili više kandidata zadovoljava uslov za izbor u zvanje prema konkursu, Komisija predlaže kandidata sa naznakom za koje zvanje na Univerzitetu se predlaže, u skladu s konkursnim zahtjevom.

#### **Član 25.**

Saglasnost sa izvještajem o izboru u zvanje na Univerzitetu svi članovi Komisije potvrđuju svojim potpisom.

Ukoliko neko od članova Komisije nije saglasan sa prijedlogom o izboru, dužan je svoje izdvojeno mišljenje dostaviti u pisanom obliku, koji čini dio izvještaja Komisije.

#### **Član 26.**

Period na koji se bira akademsko osoblje na Univerzitetu je:

1. asistent - na period od četiri (4) godine, bez mogućnosti ponovnog izbora;
2. viši asistent - na period od pet (5) godina, s mogućnošću jednog ponovnog izbora;
3. lektor - na period od pet (5) godina, s mogućnošću jednog ponovnog izbora;
4. docent - na period od pet (5) godine, s mogućnošću ponovnog izbora,
5. vaneredni profesor - na period od šest (6) godina, s mogućnošću ponovnog izbora, i
6. redovni profesor - na neodređeno vrijeme.

Zvanje višeg asistenta i docenta se može steći i prije roka navedenog u prethodnom članu, ukoliko je kandidat stekao uslove za izbor u više zvanje i ukoliko je proveo najmanje tri godine u nastavi nakon posljednjeg izbora.

#### **Član 27.**

Uslovi koje kandidat mora ispunjavati da bi dobio izbor u odgovarajuće zvanje definisani su Zakonom i Statutom Univerziteta.

### **V POSTUPAK PREUZIMANJA AKADEMSKOG ZVANJA**

#### **Član 28.**

Univerzitet može angažovati nastavnike koji imaju odgovarajući izbor u naučno – nastavno zvanje na drugom univerzitetu iz Republike, BiH ili inostranstva, za izvođenje nastave na svim ciklusima studija za koje posjeduje licencu ili akreditaciju, po proceduri preuzimanja naučno – nastavnog zvanja definisanog ovim Pravilnikom.

Kandidata za angažovanje u nastavi po ovom osnovu predlaže rektor Univerziteta.

#### **Član 29.**

Provjeru, analizu i definisanje uslova za preuzimanje naučno-nastavnih zvanja vrši Nastavno naučno vijeće fakulteta matičnog za uže naučne oblasti za koju se vrši preuzimanje.

#### **Član 30.**

Zadatak Vijeća je utvrđivanje kompatibilnosti uže naučne oblasti za koju kandidat ima izbor u naučno-nastavno zvanje na drugom univerzitetu, sa užim naučnim oblastima za koju može biti imenovan prema važećim opštim aktima u Republici Srpskoj.

Na osnovu uvida u relevantnu dokumentaciju, a posebno odluku o izboru na univerzitetu sa kojeg se vrši preuzimanje, naučne radove koje je objavio, profesionalno i radno iskustvo kao i ostale uslove definisane Zakonom, Komisija daje mišljenje o ispunjenosti uslova za preuzimanje i predlaže užu naučnu oblast za koju nastavnik može dobiti izbor prema Pravilniku o razvrstavanju nastavnih predmeta u uže naučne oblasti na Univerzitetu za poslovni inženjering i menadžment Banja Luka.

Mišljenje i prijedlog Vijeća upućuje se Senatu u formi Izvještaja, napisanom na obrascu koji se nalazi u prilogu broj 2. ovog Pravilnika.

### Član 31.

Na osnovu prijedloga Vijeća, Senat donosi Odluku o angažovanju nastavnika sa drugog univerziteta.

U Odluci se navodi za koju užu naučnu oblast ili oblasti se nastavnik angažuje i na koji vremenski period.

Angažovani nastavnik ima pravo izvođena nastave i realizacije ispita na Univerzitetu na svim nastavnim predmetima koji pripadaju užoj naučnoj oblasti za koju je angažovan, u skladu sa Pravilnikom o razvrstavanju nastavnih predmeta po užim naučnim oblastima na PIM Univerzitetu.

Detaljna prava i obaveze angažovanog nastavnika uređuju se Ugovorom za izvođenje nastave u skladu sa Odlukom i opštim aktima Univerziteta

## IV IZBOR NASTAVNIKA STRANOG JEZIKA I VJEŠTINA

### Član 32.

Za izvođenje nastave i realizaciju ispita iz nastavnih predmeta *Strani jezici* kao i za nastavu *Vještina*, Univerzitet ima pravo da angažuje nastavnika koji je završio osnovne studije ili drugi ciklus studija pod uslovima definisanim u Članu 33. ovog Pravilnika.

Stranim jezicima i Vještinama smatraju se oni nastavni predmeti koji su kao takvi klasifikovani u istoimene oblasti u skladu sa Pravilnikom o razvrstavanju nastavnih predmeta po užim naučnim oblastima na Univerzitetu.

### Član 33.

Postupak izbora nastavnika stranog jezika ili nastavnika vještina pokreće rektor Univerziteta ili prorektor za nastavu, upućivanjem *Prijedloga za raspisivanje konkursa za izbor nastavnika stranog jezika odnosno vještina* na osnovu informacije o potrebi za angažovanjem nastavnika za te oblasti.

Prijedlog sadrži podatke za koji strani jezik (jezike) ili vještinu (vještine) se raspisuje konkurs, ko su članovu Komisije za izbor nastavnika, te na koji period se kandidat bira.

Senat na osnovu prijedloga raspisuje konkurs na kojem pravo učešća imaju kandidati koji ispunjavaju sljedeće uslove:

- a) **Za nastavnika stranog jezika:** Završen najmanje prvi ciklus studija sa ostvarenih 240 ECTS ili ekvivalent iz oblasti stranog jezika za koju konkuriša, te posjedovanje sposobnosti i vještina koji kandidata čine dostojnim obavljanja funkcije nastavnika u skladu sa normativima i standardima struke;
- b) **Za nastavnika vještina:** Završen najmanje prvi ciklus studija sa ostvarenih 180 ECTS i najmanje 2 godine radnog iskustva na poslovima u kojima se upotrebljavaju ili primjenjuju vještine za koje kandidat konkuriše.

### Član 34.

Članovi Komisije za izbor nastavnika stranog jezika odnosno vještina mogu biti lica koja ispunjavaju sljedeće uslove:

**Za Komisiju za izbor nastavnika stranog jezika:** Da je radno angažovan na poslovima profesora Stranog jezika (za koji se raspisuje konkurs) u srednjoj školi, ili kao stručni saradnik u



nastavi Stranog jezika na visokoškolskoj ustanovi ili ima saradničko odnosno naučno-nastavno zvanje iz oblasti Stranog jezika na visokoškolskoj ustanovi te najmanje godinu dana radnog iskustva u poslovima sa tim zvanjem;

**Za Komisiju za izbor nastavnika vještina:** Da posjeduje visoku stručnu spremu i najmanje godinu dana radnog iskustva na poslovima u kojima se primjenjuju vještine za koje se raspisuje konkurs, ili ima saradničko odnosno naučno-nastavno zvanje na visokoškolskoj ustanovi iz oblasti u kojoj se te Vještine primjenjuju.

#### **Član 35.**

Na osnovu prijave i konkursne dokumentacije, rektor ili prorektor Univerziteta upućuje Senatu **Prijedlog za izbor nastavnika stranog jezika odnosno vještina** na Univerzitetu.

Nastavnik se bira za period od najmanje jedne a najviše 4 akademske godine nakon kojih je moguć reizbor po istoj konkursnoj proceduri.

Prava i obaveze nastavnika regulisana su Ugovorom za izvođenje nastave koji potpisuje direktor Univerziteta.

### **VI ZAVRŠNE ODREDBE**

#### **Član 36.**

Nastavnik, odnosno saradnik, koji je na Univerzitetu biran u zvanje nastavnika ili saradnika i u radnom je odnosu sa punim radnim vremenom, može biti angažovan na drugoj licenciranoj visokoškolskoj ustanovi, uz saglasnost Univerziteta.

Odluku o saglasnosti za angažman nastavnika, odnosno saradnika, na drugoj licenciranoj visokoškolskoj ustanovi, na zahtjev nastavnika, odnosno saradnika donosi Rektor Univerziteta.

Angažman nastavnika, odnosno saradnika, dozvoljava se pod uslovom da se time ne utiče na kvalitet rada na Univerzitetu, odnosno ne dovodi do sukoba interesa.

Angažman nastavnika, odnosno saradnika, iz stava 1 ovog člana bez odluke Univerziteta, smatraće se težom povredom radne obaveze.

Angažman nastavnika, odnosno saradnika, iz stava 1 ovog člana, na srodnom privatnom fakultetu ili studijskom programu u BiH, smatraće se kao sukob interesa i teža povreda radne obaveze.

## Prilog broj 1.

# IZVJEŠTAJ KOMISIJE O PRIJAVLJENIM KANDIDATIMA ZA IZBOR U ZVANJE

## I PODACI O KONKURSU

Konkurs je objavljen:  
Uža naučna/umjetnička oblast:  
Studijski program:  
Broj kandidata koji se biraju:  
Broj prijavljenih kandidata:

## II PODACI O KANDIDATIMA

### 1. OSNOVNI BIOGRAFSKI PODACI

Ime, srednje ime i prezime:  
Datum i mjesto rođenja:  
Ustanove u kojima je bio zaposlen:  
Zvanja/radna mjesta:  
Naučna/umjetnička oblast:  
Članstvo u naučnim i stručnim organizacijama ili udruženjima:

### 2. BIOGRAFIJA, DIPLOME I ZVANJA

#### OSNOVNE STUDIJE:

Naziv institucije:  
Mjesto i godina završetka:

#### POSTDIPLOMSKE STUDIJE:

Naziv institucije:  
Mjesto i godina završetka:  
Naziv magistarskog rada:  
Uža naučna/umjetnička oblast:

#### DOKTORAT:

Naziv institucije:  
Mjesto i godina završetka:  
Naziv disertacije:  
Uža naučna/umjetnička oblast:

#### PRETHODNI IZBORI U NASTAVNA I NAUČNA ZVANJA:

### 3. NAUČNA/UMJETNIČKA DJELATNOST KANDIDATA

#### RADOVI:

1.

#### **4. OBRAZOVNA DJELATNOST KANDIDATA:**

##### **AKTIVNOSTI:**

1.

#### **5. STRUČNA DJELATNOST KANDIDATA**

##### **AKTIVNOSTI:**

1.

### **III ZAKLJUČNO MIŠLJENJE**

### **IV IZDVOJENO MIŠLJENJE**

##### **OBRAZLOŽENJE:**

**ČLAN(OVI) KOMISIJE:**

Banja Luka, \_\_\_\_\_

**Prilog broj 2.**

## **IZVJEŠTAJ KOMISIJE** o uslovima za preuzimanje naučno-nastavnog zvanja

### **I PREDLAGAČ**

Direktor Univerziteta za poslovni inženjering i menadžment Banja Luka

### **II PODACI O KANDIDATU**

#### **6. OSNOVNI BIOGRAFSKI PODACI**

Ime, ime roditelja i prezime:

Datum i mjesto rođenja:

Univerzitet na kome je zaposlen:

Zvanje:

Naučna/umjetnička oblast za koju ima izbor:  
Članstvo u naučnim i stručnim organizacijama ili udruženjima:  
Broj i datum odluke o izboru u zvanje:

## **7. BIOGRAFIJA, DIPLOME I ZVANJA**

### **OSNOVNE STUDIJE:**

Naziv institucije:  
Mjesto i godina završetka:

### **POSTDIPLOMSKE STUDIJE:**

Naziv institucije:  
Mjesto i godina završetka:  
Naziv magistarskog rada:  
Uža naučna/umjetnička oblast:

### **DOKTORAT:**

Naziv institucije:  
Mjesto i godina završetka:  
Naziv disertacije:  
Uža naučna/umjetnička oblast:

## **8. NAUČNA/UMJETNIČKA DJELATNOST KANDIDATA**

### **RADOVI:**

2.

## **9. OBRAZOVNA DJELATNOST KANDIDATA:**

### **AKTIVNOSTI:**

2.

## **10. STRUČNA DJELATNOST KANDIDATA**

### **AKTIVNOSTI:**

2.

## **III ZAKLJUČNO MIŠLJENJE**

---

---

---

---

---

---

---

---

---

---

**UŽA/E NAUČNA/E OBLAST/I ZA KOJU KANDIDAT ISPUNJAVA USLOVE DA BUDE ANGAŽOVAN:**

UŽA NAUČNA OBLAST

NAUČNO POLJE

NAUČNA OBLAST

---

---

---

---

---

---

---

---

---

---

---

---

**PRIJEDLOG KOMISIJE**

Na osnovu rezultata analize predložemo da Senat Univerziteta donese Odluku o angažovanju \_\_\_\_\_ kao nastavnika sa drugog univerziteta angažovanog za izvođenje nastave iz nastavnih predmeta koje pripadaju užoj/im naučnoj/im oblasti/ma \_\_\_\_\_

**PREDSJEDNIK VIJEĆA:**

---